

書名 春秋左傳註疏六十卷
撰者 晉 杜預 注, 唐 陸德明 音義, 唐 孔穎達 疏
卷 卷五十五
內容分類 經-春秋-春秋左傳-唐
索書號 經部-彙刻-1
編號 A297500

卷五十五

[彩色首頁1](#)

[東洋文化研究所漢籍目錄 編號: A297500](#)

[東洋文化研究所漢籍目錄所藏漢籍善本全文影像資料庫 索書號: 經部-彙刻-1](#)

[漢籍善本全文影像資料庫文本春秋左傳註疏六十卷](#)

版權所有: [東京大學](#) [東洋文化研究所](#)

[使用上的注意事項](#)

春秋左傳註疏卷第一

晉杜氏註

唐孔穎達疏

春秋序

○陸曰此元凱所作既以釋經故依例音

釋例序之本或題為春秋左傳序者沈文何以爲
今不用序或云春秋序或云左氏傳序或云春秋經傳
集解序或云春秋左氏傳序按晉宋古本及今
定本並云春秋左氏傳序今依用之南人多云
此本釋例序後人移之於此且有題曰春秋釋
例序置之釋例之端今所不用晉太尉劉寔與
杜同時人也宋大學博士賀道養去杜亦近俱
爲此序作註題並不言釋例序明非釋例序也
又晉宋古本序在集解之端徐邈以晉世言五
經音訓爲此序作音且此序稱分年相附隨而

公爲之賦無衣詩秦風取其王于興師修我戈矛

與子同仇與子偕作與子偕行爲于僞反仇音求

疏無衣。正義曰無衣刺用兵也。秦人刺其君好攻戰。亟用兵而不與民同欲焉。其詩云豈曰無衣與

子同袍。王于興師修我戈矛與子同仇。鄭註云此責康公之言也。君豈嘗曰女無衣我與女同袍乎。言不

與民同欲也。下註云君不與我同欲而與王興師則云修我戈矛與子同仇。往伐之刺其好攻戰。又云豈

曰無衣與子同澤。王于興師修我戈戟與子偕作。又云豈曰無衣與子同裳。王于興師修我甲兵與子偕

行。九頓首而坐。無衣三章。章三頓首。秦師乃出。

爲明年包胥以秦師至張本

春秋左傳註疏卷第五十四終



春秋左傳註疏卷第五十五 定五年 盡九年

晉杜氏註

唐孔穎達疏

經五年春王三月辛亥朔日有食之無傳

夏歸粟于蔡蔡爲楚所圍飢乏故魯歸之粟

之粟。正義曰公羊傳曰孰歸之諸侯歸之曷爲不言諸侯歸之離室不可得而序故言我也。穀梁傳亦

然賈逵取彼爲說云不書所會後也。杜以傳文唯言周亟矜無資自解魯歸粟之意不言諸侯歸之諸侯

或亦歸之要此經所書其意不及諸侯故顯而異之言魯歸之粟

於越入吳於發聲也

春秋左傳註疏卷第五十五 定五年 盡九年

者未能以其名通也越者能以其名通也其意言越與於越立文不同事有褒貶左氏無此義越是南夷夷言有此發聲史官或正其名或從其俗越與於越史異辭無義例

六月丙申季孫意如卒

秋七月壬子叔孫不敢卒無傳

冬晉士鞅帥師圍鮮虞

傳五年春王人殺子朝于楚因楚亂也終閔馬父

之言夏歸粟于蔡以周亟矜無資亟急也○亟紀力反註

同越入吳吳在楚也○六月季平子行東野東野

季氏邑行下孟反還未至丙申卒于房陽虎將以



璵璠斂璵璠美玉君所佩○璵本又作與音餘璠音煩又方煩反斂力驗

反璵璠至所佩○正義曰案說文云璵璠魯之寶玉璵璠是一玉名說文又云瑜美玉與璵璠

異也昭公出奔之後平子攝行君事入宗廟佩此玉

陽虎以平子嘗佩此玉故將以斂之仲梁懷不與明

此玉是君所佩也君之所佩故為美玉也玉藻云公

侯佩山玄玉此當時所佩未必是山玄也玉藻又云

古之君子必佩玉右徵角左宮羽鄭玄云徵角在

右事也民也可以勞宮羽在左君也物也宜逸

梁懷弗與懷亦季氏家臣曰改步改玉昭公之

出季孫行君事佩璵璠祭宗廟今定公立復臣位改

君步則亦當去璵璠去起改步改玉正義曰

與尸行接武大夫繼武士中武鄭玄云尊者尚徐接

春秋左傳

卷之五十五

及古

春秋列傳卷之五十五 湯古

不同也玉藻又云公侯佩山玄玉大夫佩水蒼玉是君臣玉不同也昭公之出季氏行君事為君行佩君玉及定公立季氏復臣位故步玉皆改矣陽虎欲逐之告公山不狃不狃

曰彼為君也子何怨焉不狃季氏臣費宰子洩也

為君不欲使僭同洩息列反僭子念反**既葬桓子行東野**桓子意如

曰家臣謂季氏為君故註云不欲使僭日家臣謂季氏為君

子季孫斯及費子洩為費宰逆勞於郊桓子敬之勞

仲梁懷仲梁懷弗敬懷時從桓子行輕慢子洩勞

力報反下同從才用反下從父昆弟皆從王竝同子洩怒謂陽虎子行之乎

行逐懷也為下陽虎囚桓子起○申包胥以秦師



至秦子蒲子虎帥車五百乘以救楚五百乘三萬

七千五百人乘繩證子蒲曰吾未知吳道道猶

法術使楚人先與吳人戰而自稷會之大敗夫槩王

于沂稷沂皆楚地依反吳人獲蘧射於柏舉

蘧射楚大夫射食亦反又食夜反其子帥奔徒奔徒楚散

卒卒子忽反以從子西敗吳師於軍祥楚地秋七月

子期子蒲滅唐從吳伐楚故九月夫槩王歸自立

也以與王戰而敗自立為吳王號夫槩奔楚為堂

谿氏傳終言之吳師敗楚師于雍澨秦

春秋列傳卷之五十五 湯古

師又敗吳師吳師居麋麋地名。○麋九倫反下同。子期將

焚之子西曰父兄親暴骨焉不能收又焚之不可○

前年楚人與吳戰多死麋中言不可并焚○暴步反。子

期曰國亡矣死者若有知也可以歆舊祀○言焚吳

復楚則祭祀不廢○歆許金反。豈憚焚之焚之而又戰吳

師敗又戰于公婿之谿○楚地名。吳師大敗吳子乃

歸囚闔與罷闔與罷請先遂逃歸○與罷楚大夫請

先至吳而逃歸言吳唯得楚一大夫復失之所以不

克○闔音因與音餘又作與羊汝反罷音皮復扶又反。葉公諸梁之弟后臧從



其母於吳不待而歸○諸梁司馬沈尹戌之子葉公

子高也吳入楚獲后臧之母楚定臧棄母而歸○葉舒涉

反從如字又才用反葉公終不正視○不義之。乙亥陽虎囚

季桓子及公父文伯○文伯季桓子從父昆弟也陽

虎欲為亂恐二子不從故囚之○公父音甫。而逐仲梁懷

冬十月丁亥殺公何藐○藐季氏族。○藐亡角反。一音彌小反。已

丑盟桓子于稷門之內○魯南城門。庚寅大詛逐公

父歇及秦遄皆奔齊○歇即文伯也秦遄平子姑壻

也傳言季氏之亂○詛莊慮反歇昌欲反遄市專反。○楚子入于郢

註吳師已歸初鬪辛聞吳人之爭宮也曰吾聞之不讓則不和不和不可以遠征吳爭於楚必有亂有亂則必歸焉能定楚王之奔隨也將涉於成曰**註**江夏

竟陵縣有白水出聊屈山西南入漢○焉於虔反曰其九反屈其勿


反又君藍尹亶涉其帑註亶楚大夫○藍力甘反亶亡匪反帑音奴

不與王舟及寧王欲殺之註寧安定也子西曰子常

唯思舊怨以敗君何效焉王曰善使復其所吾以志

前惡註惡過也王賞鬪辛王孫由于王孫圉鍾建鬪

巢申包胥王孫賈宋木鬪懷註九子皆從王有大功



者子西曰請舍懷也註以初謀弑王也○舍音捨又音赦弑申志

反王曰大德滅小怨道也註終從其兄免王大難是

大德○難乃旦反申包胥曰吾為君也非為身也君既定

矣又何求且吾尤子旗其又為諸註子旗蔓成然也

以有德於平王求欲無厭平王殺之在昭十四年○為

君于偽反下為身同厭於鹽反遂逃賞王將嫁季芊季芊辭曰所以

為女子遠丈夫也鍾建負我矣以妻鍾建以為樂尹

註司樂大夫○遠于萬反妻七計反王之在隨也子西為王與

服以係路國于脾洩註脾洩楚邑也失王恐國人潰

散故偽為王車服立國脾洩以佞安道路人○脾婢支反洩
息列○王王之至脾洩○正義曰王之在隨也國內無
反○王子西以民無所依恐其潰散故偽為王之
車服以安道路之人國于脾洩○聞王所在而後從王
之地於時子西蓋假稱王矣

王使由于城麋○於麋築城復命子西問高厚焉弗

知子西曰不能如辭○言自知不能當辭勿行
○高問

厚焉弗知○正義曰子西問由于所築麋城高厚幾
何由于不知董遇云問城高厚丈尺也本或有大小
者涉下文而誤耳○不能如辭○正義曰敢為不敢
如為不如古人之語然也僖二十二年傳云若愛重
傷則如勿傷愛其二毛則如○城不知高厚小大何知
服焉經傳之文此類多矣

對曰固辭不能子使余也人各有能有不能王遇盜



於雲中余受其戈其所猶在袒而示之背曰此余所
能也脾洩之事余亦弗能也○傳言昭王所以復國

有賢臣也○袒城不至何如○正義曰王肅斷小
音但○大何知為句註云如是小大何所

知也張奐古今人論云子西問城之高厚小大而弗
知也子西怒曰不能則如辭城之而不知又何知乎
張奐引傳為文小大上○晉士鞅圍鮮虞報觀虎之
屬杜雖無註蓋與張同

役也○三年鮮虞獲晉觀虎

經六年春王正月癸亥鄭游速帥師滅許以許男斯歸

○游速大叔子

二月公侵鄭公至自侵鄭○無傳

夏季孫斯仲孫何忌如晉

秋晉人執宋行人樂祁犁

稱行人言非其罪。今反又

力之反

冬城中城

無傳公為晉侵鄭故懼而城之。為于偽反

季孫斯仲孫忌帥師圍鄆

無傳何忌不言何闕文鄆

貳於齊故圍之

音運。季孫至圍鄆。正義曰鄆是魯邑。輒曰圍之必是鄆邑。叛

也。三傳並無其事。不知何為而叛。明年齊人歸鄆。是叛屬齊也。

傳六年春鄭滅許因楚敗也。二月公侵鄭取匡為

晉討鄭之伐胥靡也

胥靡周地也。周儋翩因鄭人



以作亂鄭為之伐胥靡故晉使魯討之匡鄭地取匡

不書歸之晉

為于偽反註同。討鄭之伐胥靡。儋丁甘反。翮音篇。正義曰下註云鄭

伐周六邑在魯伐鄭取匡前而此獨云胥靡者此時須顯侵鄭之意故言討鄭之伐胥靡畧言之也。但鄭

伐周事須從下文成周發之故傳文乃逆指下事為次也。

往不假道於衛及還陽

虎使季孟自南門入出自東門

陽虎將逐三桓欲

使得罪於鄰國舍於豚澤衛侯怒使子瑕追之

彌子瑕衛嬖大夫

豚杜孫反。嬖必計反。

公叔文子老矣

子公孫發輦而如公曰尤人而效之非禮也昭公之

難君將以文之舒鼎

衛文公之鼎

難乃反

成之昭

兆 **寶龜** **疏** 尤人至非禮。正義曰：入其國門，非也。非禮也。下云：效小人以棄之，即云天將多陽虎之罪。則公叔文子知此出入衛門是陽虎之計，非魯公使然。尤人謂尤陽虎也。文之至昭兆。正義曰：賈逵云：舒鼎鼎名昭兆寶龜，杜依用之，蓋衛文公鑄此鼎也。其名曰舒，不知其故，成之昭兆，成公新得此龜，蓋以灼之，出兆兆文分明，故名為昭兆。定之鞶

鑑 **鞶帶** 而以鏡為飾也。今西方羌胡猶然古之遺服。○鞶又作盤，步丹反。苟可以納之，擇用一焉。公子

與二三臣之子諸侯苟憂之，將以為之質。○為質求

納魯昭公。○質音致，註同。此羣臣之所聞也。今將以小忿蒙

舊德。○蒙覆也。無乃不可乎？大妣之子。○大妣文王

妃。○大音泰，音似。唯周公康叔為相睦也。而效小人以棄

之不亦誣乎？天將多陽虎之罪，以斃之。君姑待之。若

何乃止。○止不伐魯師。○夏季桓子如晉，獻鄭俘也。

註 獻此春取匡之俘。○俘芳夫反。陽虎強使孟懿子往報

夫人之幣。○虎欲困辱三桓，并求媚於晉，故強使正

卿報晉夫人之聘。○強其丈，戶註。○陽虎至之幣。○

諸侯使卿聘鄰國之禮也。執圭以致君命，執璧以致

享幣。其於夫人則聘用璋，享用琮。聘君與夫人一使

兼致之。夫人不別使也。傳言報夫人之幣，則晉之夫

人嘗有聘魯者矣。禮法夫人不別遣使，則晉之夫人

聘者亦為晉君來聘也。經無其事，蓋遣大夫來聘，名

氏不合見經，故畧之也。不言報晉君，唯言報夫人者

春秋流

卷之五十五 八

及古

及古

及古

及古

桓子如晉獻鄭俘即亦報聘晉也桓子報聘即亦得報夫人也但陽虎欲困辱三桓又欲求媾於晉既使桓子報聘晉君又別遣正卿報晉

夫人所以困辱三桓而重晉禮也晉人兼享之賤魯故不復兩設禮明經所以不備書

○復扶又反魯至備書○正義曰若桓子特為獻俘懿子專為報聘則經當兩書如晉不合共文晉人亦當兩設享禮各待

一客今乃桓子聘晉君懿子報夫人則似共為一使若賓與介然故晉人兼享之賤魯故不復兩為設禮

傳言此者明經所以不備書也不備書謂不各自立文兩書如晉也若然文十八年公子遂叔孫得臣如

齊亦是經不備書而怪此不備者彼傳言惠公立故且拜葬也則是魯竝命二卿令行兩事雖各有所主

而受命俱行故宜共文書之此則桓子獻俘并亦報聘一卿足以兼之懿子不須行矣陽虎強使之行乃是從後而去時不同受命宜當別書如晉止為晉人所賤故經不復備書正以傳言強使懿子報夫人



之幣知桓子報晉君矣傳言兼享之知其不應兼矣以此明二人不同受命宜應別書畧而不備書耳

孟孫立于房外謂范獻子曰陽虎若不能居魯而息

肩於晉所不以為中軍司馬者有如先君稱先君

以徵其言若欲使晉必厚待之孟孫至先君○正義曰懿子之意不

為陽虎求官欲使晉人知陽虎專權為國所患言若不得居魯而息肩於晉示已知陽虎必將作亂而出

奔也中軍司馬晉國大夫之最貴者為求此官似若欲使晉厚待之然令晉知其情耳諸言有如皆是誓

辭稱先君以徵其言獻子曰寡君有官將使其人擇得其人鞅何知焉獻子謂簡子曰魯人患陽虎矣

孟孫知其爨以為必適晉故強為之請以取入焉孟孫

欲令晉人聞虎當逃走故強設請託之辭因此言以入晉令晉素知之于僞反令力呈反○**疏**欲令至知

本意不為陽虎請官欲令晉人知陽虎終必逃走強設託請之辭因此言辭以取入晉之意欲令晉人素知陽虎之必逃○四月己丑吳太子終纍敗楚舟師終纍


闔廬子夫差兄舟師水戰闔廬子夫差兄舟師水戰○**疏**纍力追反又力軌反獲潘

子臣小惟子二子楚舟師之帥○**疏**惟位悲反本又作惟亦如字帥所

類及大夫七人楚國大惕懼亡子期又以陵師敗于

繁揚繁揚○**疏**陵師陸軍○揚他○**疏**上云舟師水戰此言陵

師陸軍南人謂陸為陵此時猶然釋地云高平曰陸大陸曰阜大阜曰陵是陵陸小大之異各耳



尹子西喜曰乃今可為矣言知懼而後可治於是

乎遷郢於郟而改紀其政以定楚國傳言楚賴子

西以安音若○周儋翩率王子朝之徒因鄭人將以

作亂于周儋翩子朝餘黨鄭於是乎伐馮滑胥靡

負黍狐人闕外鄭伐周六邑在魯伐鄭取匡前於

此見者為成周起也陽城縣西南有負黍亭見賢

文見瀾并註同為于僞反下同六月晉閻沒成周且城胥靡為下

天王出居姑蘄起○秋八月宋樂祁言於景公曰諸

侯唯我事晉今使不往晉其憾矣樂祁告其宰陳寅

註以與公言告之。○使所吏反。憾戶暗反。陳寅曰必使子往他

日公謂樂祁曰唯寡人說子之言子必往陳寅曰子

立後而行吾室亦不亡。**註**寅知晉政多門往必有難

故使樂祁立後而行。○說音悅難乃。且反下文同。唯君亦以我為

知難而行也見溷而行。**註**溷樂祁子也見於君立以

為後。○溷侯溫反。又侯困反。趙簡子逆而飲之酒於縣上獻楊

楯六十於簡子。**註**楊木名。○飲於鳩反。楯食允反又音允。陳寅曰晉

吾主范氏今子主趙氏又有納焉以楊楯賈禍弗可

為也已。**註**知范氏必怨將得禍。○賈音古。然子死晉國子



孫必得志於宋。**註**以其為國死。○為于偽反下同。范獻子言

於晉侯曰以君命越疆而使未致使而私飲酒不敬

二君不可不討也乃執樂祁。**註**獻子怒祁比趙氏經

所以稱行人。○疆居良反使所吏反下同比毗志反。○陽虎又盟公及

三桓於周社盟國人于亳社詛于五父之衢。**註**傳言

三桓微陪臣專政為八年陽虎作亂起。○亳步各反。詛側慮反父

音甫衢。○冬十二月天王處于姑蘓。**註**姑蘓周地蘓

其俱反。音由一音。辟儋翩之亂也。**註**為明年單劉逆王起單

音善。由舊反。

經七年春王正月

夏四月

秋齊侯鄭伯盟于鹹音咸衛地音咸

齊人執衛行人非宮結以侵衛音咸稱行人非使人之罪


○使所吏反齊侯衛侯盟于沙音咸結叛晉也陽平元城縣

東南有沙亭○沙如字又星和反

大雩音無傳過也

齊國夏帥師伐我西鄙音無傳過也夏國佐孫

九月大雩音無傳過也夏國佐孫音無傳過也○正義曰案賈逵云早也杜言過者杜以春秋早



雩傳皆發之言早以此傳無早文故謂之過如賈之所言前既有雩後又有雩早可知不須發傳若然昭二十五年上辛大雩季辛又雩一月兩雩早亦可知何須發傳言早甚也賈言規杜非也蓋時有小旱故傳不言早未應合雩故杜云過也

傳七年春二月周儋翩入于儀栗以叛音儀栗周邑

○齊人歸鄆陽關陽虎居之以為政音鄆陽關皆魯

邑中貳於齊齊今歸之不書虎專之仲反○夏四

月單武公音穆穆公子劉桓公音文文公子敗尹氏于窮

谷音尹氏復黨儋翩共為亂也○復扶○秋齊侯鄭

伯盟于鹹徵會于衛音徵召也衛侯欲叛晉音屬齊

春秋疏 卷之五十五 五十二

鄭也諸大夫不可使北宮結如齊而私於齊侯曰執
結以侵我國欲以齊師懼諸大夫齊侯從之乃盟于

瑣瑣即沙也為明年涉佗按衛侯手起反佗徒何

對反齊國夏伐我齊叛晉故陽虎御季桓子公

斂處父御孟懿子處父孟氏家臣成宰公斂陽斂

力檢反又音廉或音慮點反將宵軍齊師齊師聞之墮伏而待之

墮毀其軍以誘敵而設伏兵墮許處父曰虎不

圖禍而必死而女也女音汝處父至必死正義曰齊人設

伏待魯若入其伏內是為禍也虎不謀此苦夷曰虎



陷二子於難苦夷季氏家臣二子季孟反難乃且

反不待有司余必殺女虎懼乃還不敗傳言陪臣

強能自相制季孟不敢有心不待有司正義曰

司余必自殺女也虎見二言不待掌刑戮之有

子逆王于慶氏慶氏守姑蘓大夫晉籍秦送王已

已王入于王城已巳十二月五日有日無月

已至無月正義曰此年經傳日少上下無可館于

公族黨氏黨氏周大夫而後朝于莊宮莊

王廟也

經八年春王正月公侵齊無傳報前年伐我西鄙公至自

侵齊無傳

二月公侵齊無傳未得志故三月公至自侵齊無傳

曹伯露卒無傳四年盟臯鼫鼫由又反四年盟臯鼫○正義曰

露以昭二十八年即位三十二年諸侯之大夫盟于狄泉魯曹俱在時以未告公而公薨故不書于經杜蓋以此故不數之四年盟臯鼫四年二月陳侯吳卒其年盟于臯鼫自爾以來唯有此盟耳

夏齊國夏帥師伐我西鄙

公會晉師于瓦瓦衛地將來救魯公逆會之東郡燕

縣東北有瓦亭○國夏戶雅反年未註同瓦顏寡反燕音煙公至自瓦無傳

無傳

秋七月戊辰陳侯杻卒杻力久反本或作

抑

晉士鞅帥師侵鄭遂侵衛兩事故曰遂

葬曹靖公靖公○正義曰諡靖法共以解信曰靖

九月葬陳懷公懷公○正義曰諡法慈仁短折

懷曰

季孫斯仲孫何忌帥師侵衛

冬衛侯鄭伯盟于曲濮無傳結叛晉曲濮衛地○濮音卜

從祀先公從順也先公閔公僖公也將正二公之位

次所順非一親盡故通言先公正義曰傳言順祀

是從為順也文二年大事于大廟躋僖公升僖於閔

上閔先為君退在僖下是逆也今升閔在僖上依其

先後是順也廟主失次唯此二公故知從祀先公唯

閔僖耳躋僖公指僖言之此不指言升閔者彼所升

者止升僖公之一神不得指言僖公也今從祀之

時閔僖俱得正位且以親盡故通言先公此言從祀

躋僖公不言逆祀者此從祀因躋僖公之文故得畧

言從祀至於躋僖公文無所繫不知逆祀何公且見

是親廟不可言先公故指僖言之而言躋也然則此

以親盡故通言先公下桓宮僖宮災彼亦親盡言桓

僖者彼據災之所在須指

言其處與此體例不同

盜竊寶玉大弓盜謂陽虎也家臣賤名氏不見故曰

盜寶玉夏后氏之璜大弓封父之繁弱見賢遍反

甫盜謂至繁弱。正義曰傳言陽虎取寶玉大

弓以出是盜謂陽虎也公羊傳曰盜者孰謂謂

陽虎也陽虎者曷為者也季氏之宰也季氏之宰則

微者也惡乎得國寶而竊之陽虎專季氏季氏專魯

國其說將殺季氏亦與左傳大同春秋之例再命之

卿始得名氏書經陽虎季氏家臣以賤名氏不見故

書曰盜盜者賤人之稱也此寶玉大弓必是國之重

寶歷世掌之故自劉歆以來說左氏者皆以為夏后

氏之璜封父之繁弱成王所以分魯公也公羊傳曰

寶者何璋判白弓繡質龜青純彼不知魯有先王分

器繆為言耳且所盜

無龜知其竝是妄也

傳八年春王正月公侵齊門于陽州攻其門士皆

坐列言無鬪志曰顏高之弓六鈞顏高魯人三



十斤為鈞六鈞百八十斤古稱重故以為異強音均。鈞稱尺證反國顏高至異強。正義曰漢書律歷志強其丈反國云量者侖合升斗斛也本起黃鍾之侖以子穀秬黍中者千有二百實其侖合侖為合十合為升十升為斗十斗為斛而五量嘉矣權者銖兩斤鈞石也本起黃鍾之重一侖容千二百黍重十二銖兩之為兩十六兩為斤三十斤為鈞四鈞為石而五權謹矣由此而言侖之所容重十二銖合侖為合兩之為兩則合重一兩升重十兩斗重百兩斛重千兩計六鈞有一百八十斤合為二千八百八十兩於量為重兩斛八斗八升計今人用弓此亦未為彊矣而魯人傳而觀之故杜以為古稱重故以為異強計古稱亦準黃鍾之重為之而得重於今者權量之起本自黃鍾而世俗不同每有改易傳稱齊舊四量陳氏皆加一焉是其不必常依古也近世以來或輕或重魏齊斗稱於古二而為一周隋斗稱於古三而為一則古時亦當然杜言古者謂此顏高之時為古耳非



言自古稱皆重也。皆取而傳觀之陽州人出顏高奪人弱弓

籍丘子鉏擊之與一人俱斃國子鉏齊人斃仆也傳

直專反鉏仕居反與一人俱斃婢世反顏高與一人俱為子鉏所擊而仆音赴又蒲非反孫炎云前覆

日偃且射子鉏中頰殪國子鉏死國且如字射食亦

下同頰古協反殪於計反死也言顏高雖為子鉏所擊偃仆且射子鉏中頰而死音其善射也一讀且音

子餘反云偃且人姓名也檢國俱斃至頰殪國正義

世族譜無此人一讀者非也國曰釋言云斃仆也孫

炎曰前覆日仆吳越春秋稱要離謂吳王夫差曰臣

迎風則偃背風則仆然則仆是前覆偃是卻倒此顏

高被擊而仆乃轉而仰且射子顏息射人中矧國顏

猛偽傷足而先註猛魯人欲先歸其兄會乃呼曰猛

也殿註會見師退而猛不在列乃大呼詐言猛在後

為殿傳言魯無軍政呼火故反註同○二月巳丑

單子伐穀城劉子伐儀栗註討儋翩之黨穀城在河


南縣西單音善儋丁辛卯單子伐簡城劉子伐孟

以定王室傳終王室之亂○孟音于○趙鞅言於晉侯

曰諸侯唯宋事晉好逆其使猶懼不至今又執之是

絕諸侯也將歸樂祁士鞅曰三年止之無故而歸之

宋必叛晉執樂祁在六年○好呼報反獻子私謂



子梁註獻子范鞅子梁樂祁曰寡君懼不得事宋君

是以止子子姑使溷代子溷樂祁子○溷侯溫反

子梁以告陳寅陳寅曰宋將叛晉是棄溷也不如待

之註留待勿以子自代樂祁歸卒于大行大行晉

東南山大音泰行戶士鞅曰宋必叛不如止其尸

以求成焉乃止諸州州晉地為明年宋公使樂大

心如晉張本○公侵齊攻廩丘之郭郭郭也○廩

反郭芳主人焚衝衝戰車衝昌容反說文或濡

馬褐以救之馬褐馬衣○濡人于反遂毀之毀

郭主人出師奔註攻郭人少故遣後師走往助之註

主人出師奔○正義曰賈逵以為主人出魯師奔走而卻退言魯無戰備也劉炫云杜亦不勝舊今杜必

異於賈以為後師奔走往助之者若以賈言魯師奔走則是被敗而還下傳陽虎何得云猛在此必敗明

其於時不敗故猛得逐陽虎偽不見冉猛者曰猛在廩丘之人是賈言非也

此必敗註陽州之役猛先歸言若在此必復敗○復扶又

反猛逐之顧而無繼偽顛註逐廩丘人虎曰盡客氣

也註言皆客氣非勇○容苦百反○苦越生子將待事而

名之註苦越苦夷○苦戎占反陽州之役獲焉名之曰陽

州註欲自比僑如○僑其驕反○夏齊國夏高張伐我西



鄙註報上二侵晉士鞅趙鞅荀寅救我註救不書齊

師已去未入竟○竟音境救不至入竟○正義曰春

亦當書之不書者齊師聞晉來救已去魯地晉師未入魯竟不成為救故不書也公會晉師于瓦瓦是衛

地公往衛地會晉公會晉師于瓦范獻子執羔趙簡

子中行文子皆執鴈魯於是始尚羔註獻子士鞅也


簡子趙鞅也中行文子荀寅也禮卿執羔大夫執鴈

魯則同之今始知執羔之尊也卿不書禮不敵公史

畧之○行戶郎反禮卿至畧之○正義曰禮卿執羔

之蓋命卿與大夫俱執鴈今見士鞅執羔始知執羔之尊於是方始尚羔令卿執之記禮廢之久也傳言

於是始尚羔必往前不執羔矣但往前所執難知先儒各以意說賈逵云周禮公之孤四命執皮帛卿三命執羔大夫再命執鴈魯廢其禮三命之卿皆執皮帛至是乃始復禮尚羔案周禮禮記皆言卿執羔大夫執鴈竝以爵斷不依命數賈何以計命高下妄稱禮乎傳言始尚羔者當謂舊賤羔而今尊之耳若本僭孤禮皆執皮帛當云始復用羔不得云尚也若改僭從禮得名為尚則初獻六羽何以不言始尚六佾也以尚言之足知魯卿舊執非皮帛矣鄭眾云天子之卿執羔大夫執鴈諸侯之卿當天子之大夫故傳曰唯卿為大夫當執鴈而執羔僭天子之卿也魯人效之而始尚羔記禮所從壞案禮傳及記天子之臣與諸侯之臣所執無異文也周禮掌客凡諸侯之禮上公及侯伯之下皆云卿相見以羔是諸侯之卿執羔不執鴈又士相見者諸侯之臣相見之禮也經曰下大夫相見以鴈上大夫相見以羔是諸侯之卿必執羔矣安在於諸侯之卿當天子之大夫乎是則背明文而用肺腸也天子諸侯之臣所異者士相見之



禮羔鴈皆云飾之以布而曲禮云飾羔鴈者以績鄭玄云此為諸侯之臣與天子之臣異也然則天子之臣衣之以布而又畫之諸侯之臣則用布不畫所異唯此而已其執不為異也傳文之乖於禮者爵是卿也皆當執羔趙鞅荀寅不應執鴈此是當時之失失於偏下以晉卿失於偏下魯卿不應僭上益明賈言魯卿舊執皮帛非其義矣魯人於是始知執羔為尊或亦效晉唯上卿一人獨執羔耳未必即能如禮諸卿皆執羔也此經言公會晉師不言公會士鞅僖二十九年傳曰在禮卿不會公侯會伯子男可也故杜云卿不書禮不敵公史畧之劉炫云案宣元年會晉師于棐林伐鄭杜云趙盾稱師取於師會故稱師何知此非亦以師會故稱師而云禮不敵公畧稱師乎今知不然者以宣元年諸侯俱在又文連伐鄭故言師會此則公之獨會晉師又無征伐之事故以為卿不書禮不敵公史畧之劉以此與宣元年竝取於師會以規杜氏非也

○晉師將盟衛侯于鄆澤

自瓦還就衛

地盟。鄭音專又市轉反本亦作鄭音同趙簡子曰羣臣誰敢盟衛君

者。前年衛叛晉屬齊簡子意欲摧辱之涉佗成何

曰我能盟之。二子晉大夫何反衛人請執牛耳

盟禮尊者泣牛耳主次盟者衛侯與晉大夫盟自

以當泣牛耳故請。牛耳卑者執之尊者泣之請執

牛耳請使晉大夫執牛耳周禮戎右云盟則贊牛耳

鄭玄云謂尸盟者割牛耳取血助為之尸盟者執之

襄二十七年傳曰諸侯盟小國固必有尸盟者是小


國主備辦盟具宜執牛耳哀十七年傳曰公會齊侯

盟于蒙孟武伯問于高柴曰諸侯盟誰執牛耳季羔

曰鄆衍之役吳公子姑曹發陽之役衛石魋武伯曰

然則誰也鄆衍吳為盟主不知盟禮當令小國執牛

耳而自使其臣執之發陽宋魯衛三國衛為小蒙則



齊魯三國魯為小皆是以小國執牛耳而尊者泣之
以主次同盟者今衛侯與晉大夫盟自以當為盟主
宜泣牛耳故請成何曰衛吾溫原也焉得視諸侯

言衛小可比晉縣不得從諸侯禮。馬於將軟涉佗

揆衛侯之手及挽。揆擠也血至挽。軟所洽反揆

反擠子計反一音子。推排也排擠也揆是推排之

禮反說文云排也。意故為擠也昭十三年傳言衛侯怒王孫賈趨進

賈衛大夫曰盟以信禮也。信猶明也有如衛君其

敢不唯禮是事而受此盟也。言晉無禮不欲受其

盟衛侯欲叛晉而患諸大夫王孫賈使次于郊大夫

問故註問不入故公以晉詬語之註詬恥也○詬呼

魚據且曰寡人辱社稷其改卜嗣寡人從焉註使改

卜他公子以嗣先君我從大夫所立大夫曰是衛之

禍豈君之過也公曰又有患焉謂寡人必以而子與

大夫之子為質註為質於晉○質音致大夫曰苟有

益也公子則往羣臣之子敢不皆負羈縶以從將行

王孫賈曰苟衛國有難工商未嘗不為患使皆行而

後可註欲以激怒國人○縶息列反從才用反下說

古狄公以告大夫乃皆將行之行有日註有期日公



朝國人使賈問焉曰若衛叛晉晉五伐我病何如矣

皆曰五伐我猶可以能戰賈曰然則如叛之病而後

質焉何遲之有乃叛晉晉人請改盟弗許○秋晉士

鞅會成桓公侵鄭圍蟲牢報伊闕也註桓公周卿士

不書監帥不親侵也六年鄭伐周闕外晉為周報之

○監古銜反為遂侵衛註討叛○九月師侵衛晉故

也註魯為晉討衛季寤註季桓子之弟○寤五公鉏

極註公彌會孫桓子族子公山不狃註費宰○狃女

皆不得志於季氏叔孫輒無寵於叔孫氏註輒叔孫

氏之庶子叔仲志不得志於魯志叔孫帶之孫皆

為國人所薄故五人因陽虎陽虎欲去三桓以季寤

更季氏代桓子以叔孫輒更去起呂反更音庚

叔孫氏代武叔已更孟氏陽虎自代懿子冬十

月順祀先公而祈焉將作大事欲以順祀取媚辛

卯禘于僖公辛卯十月二日不於大廟者順祀之


義當退僖公懼於僖神故於僖廟行順祀禘大

禘于僖公正義曰釋例曰大祭于大廟以審定昭

穆謂之禘禘于大廟禮之常也各以其宮時之為也

雖非三年大祭而書禘用禘禮也然則禘者審定昭

穆之祭也今為順祀而禘于僖公則是并取先公之



主盡入僖廟而以昭穆祭之是為用禘禮也計禘禮當于大廟今就僖廟為禘者順祀之義退僖升閔懼於僖公之神故於僖廟行禘禮使先公之神徧知之禮祭尊可以及卑後世之主宜上徙大廟而食今徙上世之主下入僖廟祀之當時所為非正禮也昭二十五年禘于襄公義亦然也 壬辰將享

季氏于蒲圃而殺之戒都車曰癸巳至都邑之兵

車也陽虎欲以壬辰夜殺季孫明日癸巳以都車攻

二家圃布成宰公斂處父告孟孫曰季氏戒都車

何故孟孫曰吾弗聞處父曰然則亂也必及於子先

備諸與孟孫以壬辰為期處父期以兵救孟氏壬

辰先癸巳一日先癸陽虎前驅林楚御桓子虞人

以鉞盾夾之陽越殿越陽虎從弟鉞○鉞普皮反盾食允反又音允

夾古洽反將如蒲圃桓子詐謂林楚詐暫也曰而先皆季氏之良也爾以是繼之欲使林楚

反免已於難以繼其先人之良○難乃旦而先至繼○正義


曰而女也言女先祖以來皆為季氏忠良對曰臣聞

命後後猶晚陽虎為政魯國服焉違之徵死死無

益於主桓子曰何後之有而能以我適孟氏乎對曰

不敢愛死懼不免主桓子曰往也言必往孟氏選

圍人之壯者三百人以為公期築室於門外實欲



以備難不欲使人知故偽築室於門外因得聚眾公

期孟氏支子○圍魚呂反林楚怒馬及衢而騁騁

馳也○騁救陽越射之不中築者闔門季孫既得

入乃閉門○射食亦反下同有自門間射陽越殺

之陽虎劫公與武叔武叔叔孫不敢之于州仇也

○劫居業以伐孟氏公斂處父帥成人自上東門入

反仇音求魯東城之北門與陽氏戰于南門之內弗勝又戰

于棘下城內地名陽氏敗陽虎說甲如公宮取寶

玉大弓以出舍于五父之衢寢而為食其徒曰追其

將至虎曰魯人聞余出喜於徵死何暇追余徵召

也陽虎召季氏於蒲圃將殺之今得脫必喜故言喜

於召死說本又作稅同他活反徵召至召死

也釋言文陽虎召季孫欲殺之今既得脫魯人歡喜

季孫免於召死之事何暇追我劉炫云虎召季孫欲

殺之則召季孫為召死季孫得脫必大喜魯人皆喜於季孫從者曰


人聞我出去喜於召死言人人皆喜於季孫從者曰

嘻速駕公斂陽在嘻懼聲公斂陽請追之

孟孫弗許畏陽虎陽欲殺桓子欲因亂討季氏

以強孟氏孟孫懼而歸之不敢殺子言辨舍爵於

季氏之廟而出子言季寤辨猶周徧也徧告廟飲



酒示無懼言辨音遍註陽虎入于謹陽關以叛徧同舍如字

叛不書畧家臣音歡鄭駟欲嗣子大叔為政音歡

駟乞子子然也為明年殺鄧析張本斂市專反

經九年春王正月

夏四月戊申鄭伯薨卒無傳四年盟臯馳薨救

四年盟臯馳正義曰薨以昭二十九年即位三

十二年大夫盟于狄泉以未告公而公薨故不數

得寶玉大弓弓玉國之分器得之足以為榮失之足

以為辱故重而書之問反六月葬鄭獻公無傳三月而葬速獻公正義曰

秋齊侯衛侯次于五氏五氏晉地不書伐者諱伐盟

主以次告 **經** 五氏至次告 正義曰傳言齊侯伐

伐亦應告故杜以為諱伐盟主直以次告知非不告

伐故不書者若全不告魯容可不以伐告今既以次


告魯何意告次不告伐明以衛新叛晉又魯與晉親

故取以伐告唯告次耳劉炫以為不告伐故不書而

秦伯卒 **經** 無傳不書名未同盟

冬葬秦哀公 **經** 無傳

傳九年春宋公使樂大心盟于晉且逆樂祁之尸辭



偽有疾乃使向巢如晉盟且逆子梁之尸 **經** 巢向成

曾孫 亮反 子明謂桐門右師出 **經** 子明樂祁之子

溷也右師樂大心子明族父也右師往到子明舍子

明逐使出門去曰吾猶衰經而子擊鐘何也 **經** 忿其

不逆父喪因責其無同族之恩 衰七雷反經 右師

曰喪不在此故也既而告人曰已衰經而生子余何

故舍鐘 **經** 已子明也 舍音捨 子明聞之怒言於公曰右

師將不利戴氏 **經** 樂氏戴公族不肯適晉將作亂也

不然無疾乃逐桐門右師 **經** 逐之在明年終叔孫昭

子之言○鄭駟歛殺鄧析而用其竹刑鄧析鄭大

夫欲改鄭所鑄舊制不受君命而私造刑法書之於

竹簡故云竹刑鄧析至竹刑○正義曰昭六年

刑明是改鄭所鑄舊制若用君命遣造則是國家法

制鄧析不得獨專其名知其不受君命而私造刑書

書之於竹謂之竹刑駟歛用其刑書則其法可取殺

之不為作此書也下云棄其邪可也則鄧析不為私

作刑書而殺蓋別有當死君子謂子然於是不忠苟

之罪駟歛不矜免之耳

有可以加於國家者棄其邪可也加猶益也棄不

責其邪惡也○邪似嗟○禮大司寇以八辟麗邦法

反註同附刑罰三曰議賢之辟四曰議能之法鄭玄云賢謂

有德行者能謂有道藝者春秋傳曰夫謀而鮮過惠

訓不倦者叔向有焉社稷之固也猶將十世宥之以

賢能者今壹不免其身以棄社稷不亦惑乎是賢能

之人當明其罪狀可赦則赦之今鄧析制刑有益於

國卽是有能者殺有能之人是不忠之臣君子謂子

然於是為不忠也國之臣民誠有可以加益於國家

者取其善處棄其邪惡可也雖知其邪當棄而不責

所以勸勉人使靜女之三章取彤管焉詩邶風也

學為善能也言靜女三章之詩雖說美女義在彤管彤管赤管筆

女史記事規誨之所執○彤徒冬反邶


音佩說音悅義曰邶風靜女之篇也於時衛君無道夫人無德國

人欲得貞靜之女以配國君易去無德之夫人也詩

有三章其一章云靜女其姝俟我於城隅其二章云

靜女其變貽我彤管彤管者筆赤管也必用赤者示

其以赤心正人也古者后夫人必有女史執赤管之




章之詩雖說美女之事事之常耳無可特善形管記
 事乃是婦人之大法本錄靜女云者特為形管之言
 可取故全篇取之不棄上下之二章也其女史所書
 之事毛傳有其畧也毛傳云古者后夫人必有女史
 形管之法史不記過其罪殺之后妃羣妾以禮御於
 君所女史書其日月授之以環以進退之生子月辰
 則以金環進之當御者以銀環進之著於竿旄何以
 左手既御著於右手事無大小記以成法

告之取其忠也
詩邶風也錄竿旄詩者取其中心

願告人以善道也言此二詩皆以一善見采而鄧析
 不以一善存身○竿旄音干下
音毛邶音容
疏詩邶至存身。
正義曰詩邶風竿

旄之篇也於是衛文公之臣子多好善賢者樂告以
 善道也其詩言大夫之好善者乘駟馬建干旄就賢
 者諮國事焉云子子千旄在浚之郊素絲紕之良馬
 四之彼旄者子何以畀之子子干旄在浚之都素絲



組之良馬五之彼旄者子何以子之子子千旄在浚
 之城素絲祝之良馬六之其末句云彼旄者子何以
 告之妹順貌也賢者見其好善美其共順言已寡知
 復何以告之自恨無可告之明其無所吝惜本錄竿
 旄之詩者取其中心願告人以善道彼二詩皆以一
 善見采而鄧析不以一善存身故君子引二詩以譏
 也子然
故用其道不棄其人
詩云蔽芾甘棠勿剪勿伐

召伯所茇
詩召南也召伯決訟於蔽芾小棠之下

詩人思之不伐其樹茇草舍也○芾芳味反召音
邵註同茇吟末反
疏

詩云至所茇。正義曰詩召南甘棠之篇也蔽芾小
 貌甘棠杜也茇草舍也召伯之聽獄訟不重煩勞百
 姓止舍小棠之下而聽斷焉國人被其德說其化故
 愛其樹彼蔽芾然小者甘棠之樹也勿得剪削之勿
 得斫伐之此乃是
思其人猶愛其樹況用其道爾不
 召伯舍息之處

恤其人乎子然無以勸能矣傳言子然嗣大叔為

政鄭所以衰弱○夏陽虎歸寶玉大弓無益近用

而祇為名故歸之音支書曰得器用也凡獲器用曰

得器用者謂物之成器可為人用者也得用焉曰

獲謂用器物以有獲若麟為田獲俘為戰獲

作麟呂辛反凡獲至曰獲○正義曰器用者謂器

俘芳夫反物可為人用凡獲此器物之用者謂

之為得也得用者謂將此器用以得於物焉謂之為

獲劉炫以為得用焉曰獲謂得此可用為器之物謂

之為獲若麟之皮角之屬以杜解為非今知不然者

案春秋書獲唯有囚俘囚俘不可以為器物除囚俘

之外惟有獲麟麟為靈獸帝王所重不可以鳳羽麟

皮以飾器物劉以麟皮亦堪為器而規杜氏非也

六月伐陽關討陽虎也陽虎使焚萊門陽關邑

門音來萊師驚犯之而出奔齊請師以伐魯曰三加必

取之三加兵於魯齊侯將許之鮑文子諫曰臣嘗

為隸於施氏矣施氏魯大夫文子鮑國也成十七

年齊人召而立之至今七十四歲於是文子蓋九十

餘矣魯未可取也上下猶和眾庶猶睦能事大國

大國晉也而無天菑若之何取之陽虎欲勤齊師也

齊師罷大臣必多死亡已於是乎奮其詐謀夫陽虎

有寵於季氏而將殺季孫以不利魯國而求容焉



求自容○菑音災 罷音皮親富不親仁君焉用之君富於季

氏而大於魯國茲陽虎所欲傾覆也魯免其疾而君

又收之無乃害乎齊侯執陽虎將東之陽虎願東○

陽虎欲西奔晉知齊必反已故詐以東為願○焉於 度反傾

本又作頃音 傾覆芳服反乃囚諸西鄙盡借邑人之車鏃其軸麻

約而歸之○鏃刻也欲絕追者○鏃苦結 反軸音逐載蔥靈寢

於其中而逃○蔥靈輜車名○蔥初江反或音蔥輜 側其反說文云衣車也

○蔥靈輜車名○正義曰說文云輜輶衣車也前 後有蔽賈逵云蔥靈衣車也有蔥有靈然則此車

前後有蔽兩旁開蔥可以觀望蔥中豎木謂之靈今 人猶名二木為靈子其內容人臥故得寢於其中而



逃 追而得之囚於齊又以蔥靈逃奔宋遂奔晉適趙

氏仲氏曰趙氏其世有亂乎○受亂人故○亂乎○

正義曰言其當 世將有亂也○秋齊侯伐晉夷儀○為衛討也○

于偽反○○為衛討也○正義曰往年衛侯叛晉叛 下同○○晉必當事齊下文衛侯會之知是為衛討

也 敝無存之父將室之辭以與其弟○無存齊人也

室之為取婦曰此役也不死反必娶於高國○高氏

國氏齊貴族也無存欲必有功還取卿相之女○娶 七住

反相息 亮反 先登求自門出死於雷下○既入城夷儀人

不服故鬪死於門屋雷下也○雷力 又反東郭書讓登○

登城非人所樂故讓衆使後而已先登○樂如字又五孝反犁

彌從之曰子讓而左我讓而右使登者絕而後下○

恐書先下故又譎以讓之下入城也○犁力兮反譎古穴反

使登者絕而後下○正義曰言使登城人絕皆上訖然後與書下遂自下亦讓書而先下書左彌

先下○書從彌言左行彌遂自先下亦讓也書與王

猛息○戰訖共止息猛曰我先登書斂甲曰曩者之

難今又難焉○斂甲起欲擊猛也難乃旦反猛笑

曰吾從子如驂之靳○靳車中馬也猛不敢與書爭

言已從書如驂馬之隨靳也傳言齊師和所以能克



○驂七南反駢馬也靳居觀反本或作○如驂之有靳非也爭爭鬪之爭又如字○如驂之靳

詩云兩服齊首兩驂鴈行鄭云兩服中央夾轅者然

則古人車用四馬夾轅二馬謂之服兩首齊其外二

馬謂之驂首差退說文云靳當膺也則靳是當胸之

皮也驂馬之首當服馬之胸杜言靳車中馬也言靳是中

子如驂馬當服馬之靳杜言靳車中馬也言靳是中

馬之駕具故以靳表中馬詩云騏驎是中駟驪是驂

是名服馬○晉車千乘在中牟○救夷儀也今滎陽有

為中馬也○中牟縣迴遠疑非也○乘繩○義曰此中牟在晉竟

內也趙世家云獻侯卽位治中牟漢書地理志云河

南郡有中牟縣趙獻侯自耿徙此又云三家分晉河

南之中牟也晉世分河南為滎陽郡中牟屬焉此地乃

在河南計非晉竟所及故云迴遠疑非也又三家分

晉中牟屬魏則非趙得都之趙獻侯治中牟亦非河

春秋左傳三十

及古


南之中牟也此言晉車在中牟哀五年趙鞅伐衛圍中牟論語佛肸為中牟宰與趙獻侯所都中牟或當是一必非河南中牟當於河北別有中牟但不復知其處耳有臣瓚者不知其姓或云姓傅作漢書音義云臣瓚案河南中牟春秋之時在鄭之疆內及三卿分晉則為魏之邦土趙界自漳水以北不及此也春秋衛侯如晉過中牟案此之中牟非衛適晉之次也汲郡古文曰齊師伐趙東鄒圍中牟此中牟不在趙之東也案中牟當在溫水之上贊言河南中牟非此中牟誠如其語謂此中牟當在溫水之上不知其所案據

衛侯將如五氏齊侯在五氏將往助之卜過也

之龜焦衛至五氏道過中牟畏晉故卜龜焦兆不成不可以行事也

衛侯曰可也衛車當其半寡人當其半敵矣

衛侯怒晉甚不復顧卜欲以身當五百



乘復扶又反乃過中牟中牟人欲伐之衛褚師圍亡在

中牟曰衛雖小其君在焉未可勝也齊師克城而驕

其帥又賤城謂夷儀也帥謂東郭書

同疏是東郭書劉炫云案上伐夷儀乃齊侯親兵所

陳東郭書之事非是將帥杜何知帥謂東郭書若東

郭書為帥則人無不識何故云暫憤而衣狸製齊侯

使視之乃知夫子也且書若為帥被晉之敗何故君

以為功而更受賞乎今知劉難非者以此云克城而

驕其帥又賤文既相連止是一事克城謂克夷儀其

帥則克城之帥上克城之事郭書先登故知郭書為

帥身先士卒也僖二十三年晉侯親自敗狄而卻缺

春秋流

卷之三

三十一

三十一

容或不辨齊侯賞其先登之功不責其後敗之罪故
以為帥謂東郭書劉據此諸事以為更有別帥而規
也杜非 **遇必敗之不如從齊乃伐齊師敗之** 獲齊車

五百乘事見哀十五年 見賢 **齊侯致禱媚杏於衛**

三邑皆齊西界以答謝衛意 禱諸若反媚武冀反杏戶猛反 **齊**

侯賞犁彌犁彌辭曰有先登者臣從之 皙憤而衣狸

製 皙白也憤齒上下相值製裘也 音策又音責說

文作齧音義同衣於既 **皙** 皙白至裘也 正義曰


反狸力之反製音置 **詩君子偕老之篇說夫人**

之美云揚且之皙皙是面白之名故為白也說文云

齧齒相值也言齒長而白上之齒相當也說文云

製裁也衣狸製謂著狸皮也裁皮著之明是裘矣故

以製為裘也月令孟冬天子始裘傳言秋齊侯伐夷



儀周之秋未寒而衣裘者哀二十七年傳言陳成子
衣製杖戈文在秋上製亦裘也然則在軍之服或臨
時所須不可以 **公使視東郭書曰乃夫子也吾賜子**

寒暑常節約之 **既賜也** 音況 **公賞東郭書辭曰彼賓旅也** 言彼

與我若賓主相讓旅俱進退乃賞犁彌齊師之在夷

儀也齊侯謂夷儀人曰得敝無存者以五家免 給

其五家令常不共役事 令力呈 **給** 給其至役事

得之則以五家給所得者令常不共國家役事服虔

云是時齊克夷儀而有之既為齊有故齊得優其為

役也然夷儀故邢都也邢滅入衛後乃屬晉自齊而

伐夷儀其入晉竟深矣不必永為齊有當時暫得之

厚之○比必利反**禭**禮衣服曰禭故以禭為衣也公三

禭之則明三時與衣自死至殯有襲與小斂大斂比

次卿服也下與之犀軒與之犀軒與直蓋**犀**

軒卿車直蓋高蓋犀軒至高蓋○正義曰說文

下云齊侯斂諸大夫之軒邢意茲乘軒意茲非卿也

傳稱曹朝乘軒者三百人詩毛傳云大夫以上赤芾

乘軒大夫亦乘軒矣指言卿車者言以貴者賞之也

魚軒以魚皮為飾犀軒當以犀皮為飾也考工記車

人為蓋不言有曲此云直蓋或時有而先歸之坐引

曲直故云直蓋高蓋亦謂車蓋也


者以師哭之停喪車以盡哀也君方為位而哭故

挽喪者不敢立○挽音晚**親推之三**齊侯自推喪車輪

三轉○推如字又他回反



春秋左傳註疏卷第五十五終



春秋左傳註疏卷第五十六

定公十年 盡十五年

晉杜氏註

唐孔穎達疏

經十年春王三月及齊平平前八年再侵齊之怨

夏公會齊侯于夾谷平故。夾古洽反又古協反。二傳作頰谷古木反。公

至自夾谷無傳

晉趙鞅帥師圍衛

齊人來歸鄆謹龜陰田三邑皆汶陽田也泰山博縣

北有龜山陰田在其北也會夾谷孔子相齊人服義